

ՀԱՂԱՌՐԴԻՈՒԲԱՆՆԵՐ

ԱՐՄԵՆ ՆԱՐՈՒԹՅՈՒՆՅԱՆ

ԷԶՄԻԱԾԻՆԻ Ս. ԱՍՏՎԱԾԱԾԻՆ ԵԿԵՂԵՑԻՆ

Վաղարշապատի (1945 թվականից՝ Էջմիածին) եկեղեցիներից աչքի է ընկնում Ս. Աստվածածինը, կամ ինչպես փեղագիներն են կոչում «Գյուղի եկեղեցին»։ Նայ ճարտարապետության գլուխգործոցներ հանդիսացող Մայր Տաճարի, Ս. Նոյսիսիմե, Ս. Գայանե և Ս. Շողակաթ վանքերի կողքին, Ս. Աստվածածին եկեղեցին թեպետ գիջում է իր փեսքով, սակայն մինչ օրս ծառայում է իբրև գործող եկեղեցի հավաքացյալների համար։ Ըստ պահպանված շինարարական արձանագրության՝ այն կառուցվել է Նայոց ՌՄԺԶ (1767) թվականին Սիմեոն Ա Երևանցի Կաթողիկոսի (1763 - 1780 թթ.) կողմից։

Իր փասնյոթամյա հայրապետական գործունեության ընթացքում, Սիմեոն Ա Երևանցին աչքի է ընկել ոչ միայն եկեղեցական, ազգային-հայրենասիրական, պարամազիպական ու մշակութային գործունեությամբ, այլև շինարարական, նորոգչական հսկայածավալ աշխատանքներով։ Նա՞վի առնելով, որ Մայր Աթոռը չունի արարաբին պարիսպ և վանքապարկան գոմերն ու շրջնաքանները շարունակ ենթարկվում էին ավազակների ասպարակություններին, Սիմեոն Ա Երևանցու նախաձեռնությամբ կառուցվում է Մայր Աթոռի արարաբին պարիսպը՝ հասարակույն աշխարակներով և դիպանոցներով¹։ Այնուհետև նրա ջանքերով կառուցվում են սեղանապուր, մոմարներն ու դպրարները, ինչպես նաև Ս. Էջմիածնում հասարակույն են հայապառ առաջին փայառանը (1771 թ.), թղթի գործարանը (1776 թ.) և այլն։

Սիմեոն Կաթողիկոսի երկրորդ մեծ գործը լինում է Վաղարշապատ գյուղի փեղափոխությունը Մայր Տաճարից 200-250 մ դեպի հյուսիս։ Մինչ 1763 թվականը Ս. Էջմիածնի վանքին կից է եղել հիշյալ գյուղը, որի խառնիխուռն փները խաթարում էին Մայր Աթոռի վեհապետի գեղեցկությունը։ Քանդելով փները՝ Սիմեոն Կաթողիկոսը «... ի պարսպեն, և նոր փուներ և գիղի եկեղեցին շինեց իւրով արդեամբն»² Ս. Աստվածածին անունով։

Քանի դեռ Ս. Էջմիածնի վանքը գտնվում էր գյուղի մեջ, բնավ նոր եկեղեցու անհրաժեշտություն չէր առաջացել, սակայն գյուղի՝ Մայրավանքից անջատումը պահանջ է ստեղծում մի նոր եկեղեցու, որի շինությունն էլ գլուխ է բերում Սիմեոն Կաթողիկոսը³։ Այն սկզբում փայտաշեն է եղել, իսկ «յեւ դարու միոյ առ մեօք քակեալ գեկեղե-

1 Տե՛ս Սիմեոն Կաթողիկոս Երևանցի, Ջամբո, Եր., 2003, էջ 48-49։

2 Մաղաքիա արք. Օրմանեան, Ազգապատում, Բ հատոր, Ս. Էջմիածին, 2001, էջ 3525։

3 «Դիւան հայոց պարմութեան», Գիրք Գ, Սիմեոն Կաթողիկոսի յիշարակարանը, հրապարակեց Գիւրքանայ Աղանեանց, Թիֆլիս, 1894, էջ 26։

ցին՝ շինեցին քարակերպ եւ ընդարձակագոյն եւս ի վերայ վեցից սեանց...»⁴:

Ըստ ճարտարապետական հորինվածքի՝ Էջմիածնի Ս. Աստվածածին եկեղեցին պարկանում է ԺԷ-ԺԸ դարերում ավանդական դարձած վեց սյուներով եռանավ բազիլիկ տիպին: Նման փառարները լայն փարածում են ունեցել դեռ Զ-Է դարերում, եւ շուրջ հազար փարի հետո հայ ճարտարապետները կրկին անդրադառնում են հնավանդ ձևերին՝ ստեղծելով նորը⁵: Նոր շրջանի եռանավ բազիլիկներից մեկն էլ Էջմիածնի Ս. Աստվածածին եկեղեցին է:

Եկեղեցին ունի 31,79 մ երկարություն, 17,44 մ լայնություն, երեք մուրք: Գլխավոր մուրքն արեւմտյան կողմից է, մեկական մուրքեր կան նաեւ հարավային եւ հյուսիսային կողմերից: Մուրքերի դռների վերեւում, աջ եւ ձախ կողմերում, ինչպես նաեւ Ավագ խորանի կենտրոնական մասում բացված են լուսամուրներ, իսկ գլխավոր մուրքից վեր, ներքուստ, ներկառուցված են աստիճաններ, որպեղից մտնում են զանգակարան երկրորդ հարկաբաժին: Ավագ խորանին աջ եւ ձախ կողմերից կից են ավանդարները, որոնց արեւելյան կողմում եւս բացված են մեկական լուսամուրներ:

Հաշվի առնելով հրապարակի նկարմամբ եկեղեցու ցածրադիր դիրքը, ձեռնարկվում է զանգակարան շինարարությունը, որն իրականացվում է ճարտարապետ Թ. Գևորգյանի կողմից՝ 1982 թ. կազմված նախագծով: Եկեղեցու արեւմտյան մուրքի դիմաց, նախկին թերավարդ զանգակարան չորս մույթերի տեղում, կառուցվում է եռաստիճան հորինվածքով զանգակարանը (ընդհանուր բարձրությունը՝ 22,5 մ), որը սլացիկ փեսք է հաղորդում եկեղեցուն՝ ութսյուն կաթոլիկի սրածայր վեղարով: Զանգակարան չորս մույթերին, գերանից մոտ 1,50 մ բարձրությամբ, քանդակված են մեկական հավասարաթև խաչեր:

Երկար փարիներ եկեղեցին մատնվում է անուշադրության եւ հայրնվում անմխթառ վիճակում: Վազգեն Ա Ամենայն հայոց շնորհազարդ Կաթողիկոսի ջանադրությամբ, Մայր Աթոռի բարերարներ Տեր եւ Տիկին Վահե եւ Տորիս Չըննոգյանների հոգածությամբ, 1980 - ական թվականներից Ս. Աստվածածին եկեղեցուն ծավալվում են նորոգման ու մաքրման աշխատանքներ: Ինչպես վերը նշեցինք, եկեղեցու արեւմտյան կողմում վերաշինվում է զանգակարանը, նորոգվում եկեղեցու սալահատակը, քանդվում ներկառուցված փայտաշեն վերնահարկը, մաքրվում պատերի ծեփն ու երեսպարվում քուֆ քարի սալիկներով, կառուցվում նոր մկրտարան, տեղադրվում նոր Ավագ Մեղան ֆելզիտ քարից եւ այլն: Եկեղեցու շուրջը կառուցվում է նոր պարիսպ՝ երկաթյա ցանկապատով, ինչպես նաեւ երիցատունն ու մատարդարանը, աղբյուր-հուշարձանը (ճարտարապետ՝ Հակոբ Բաբախանյան), որի կառուցման արձանագրությունն ունի հայոց ՌՆԱԷ (1988) թվականը: Եկեղեցու նորոգման ու բարեկարգման այս հսկայածավալ աշխատանքների մասին հայոց ՌՆԱԵ (1986) թվականը կրող արձանագրություն⁶ է փորագրված արեւմտյան մուրքի բարավորին՝ ներքուստ:

Մույն հոգվածում կփորձենք ներկայացնել եւ քննության առնել հարկապես եկեղեցու՝ մինչ օրս չուսումնասիրված վիճակն արձանագրությունները:

4 Դ. Ալիշան, Արարատ, Բնաշխարհի հայաստանեայց, Վեներիկ, 1890, էջ 209: Տե՛ս նաեւ Ն. Տեր-Միքայելեան, Էջմիածնի Ս. Աստվածածին եկեղեցին, Եր., 1995, էջ 28:

5 Տե՛ս «Հայկական ճարտարապետության պատմություն», հատ. երկրորդ, Եր., 2002, էջ 138:


6 Տե՛ս Ն. Տեր-Միքայելեան, նշվ. աշխ., էջ 20:



ԹՎԻՆՆ : ԶԻԱ : (1472)
ԴԱՎԻԹ ԿԱԶՄՆՈՂ

Միջնադարյան Հայաստանի ճարտարապետներին ու քարգործ վարպետներին նվիրված իր ուսումնասիրության մեջ Սեդրակ Բաթիստդարյանը ԺԵ դարի խաչքար կազմողների շարքում հիշարարկում է նաև Դավիթ կազմողին, որի՝ Արցախի իշխան Սասնայի համար քանդակած ՋԼ (1481) թվականը կրող խաչքարը կանգնած է Փաթիստսի ավերակների մեջ¹⁰։ Ժամանակի և անվան համապարասխանությունը թույլ է տալիս ենթադրել, որ վերոհիշյալ խաչքարը հուս Դավիթ կազմողի աշխատանքներից մեկն է։

Մյուս խաչքարն (1,34 մ X 0,68 մ) ագուցված է արեւմտյան մուտքի աջ կողմում: Արձանագրությունը փորագրված է խաչքարի քիվին եւ խաչի ստորին մասում.




«Ամբիս» անձնանվան առաջին տառի վերին հորիզոնական ստեղծողը եղծված է, որի հեղինակը չէր հայտնաբերվում, որ փորագրված լինի «Արիս»: Մենք հավելված ենք «Ամբիս» տարբերակին՝ Ա և Մ տառերն ընդունելով որպես կցագիր: Հր. Աճառյանը հիշատակում է «Ամբամ» և «Ամբում» արական անձնանունները, որ նշանակում են «խշտան»¹¹: Դժվար է ընթերցվում նաև թարգմտված վարպետի անունը՝ փորագրված իսպանական մասում: Այն խիստ վերապահումներով կարդում ենք Պելո: Ս. Բարխուդարյանն այս դարաշրջանում Պելո թարգմտը չի հիշատակում, ուստի հիշյալ անձնանունը դեռ լուսաբանման կարիք ունի:

Մյուս խաչքարը (1,34 մ X 0,60 մ), որն ագուցված է եկեղեցու հյուսիսային մուտքի ձախ

10 Տե՛ս **Ս. Բարխուդարյան**, Միջնադարյան ճարտարապետներ և քաղցրո՛վ վարպետներ, Եր., 1963, էջ 148: Տե՛ս նաև «Դիվան հայ վիճաքության», արտև Վ. Կազմո՛ղ՝ **Ս. Գ. Բարխուդարյան**, Եր. 1982, էջ 271, աղ. 1055:

11 Տե՛ս Ն. Աճառյան, Հայոց անձնաւումնների բառարան, հար. Ա, Եր., 1942, էջ 140:

կողմում՝ արտաքուստ, հայրնի քարգործ Մելիքսեթի աշխատանքներից մեկն է: ԺԶ դարում խաչքարերի քանդակային ձևավորման հիմնական մոտիվը դառնում է զարդաքանդակների գծերի նրբացումը, ապա բուսական տարրերի ոճավորման դեպի երկրաչափականին նմանվող ձևերը: Այս ուղղության ներկայացուցիչներից է Մելիքսեթ կազմողը. նրա սպորադորությամբ խաչքարեր ունենք Գավառի Կարմիր, Սարուխան գյուղերում, Նորադուզում, Սևանի Ծաղկունք գյուղում և այլն¹²: Մելիքսեթ կազմողի՝ Էջմիածնի Ս. Աստվածածին եկեղեցու վերոհիշյալ խաչքարով ընդլայնվում է նրա գործունեության աշխարհագրական շրջանակը: Արձանագրությունը փորագրված է հիմնախաչի խորանի վերին հարվածում, իսկ թվականը՝ գնդաձև վարդյակի անկյուններում.



ԿԱԶ[Մ]ՄՈՂ ՄԵԼԻՔՍԵԹԻՆ ՈՂՈՐՄԻ
ԹՎԻՆ]:ՌԽ: (1591)

(նկ. 4)

Նիշյալ խաչքարի թվականը փոքր-ինչ դժվար է ընթերցվում: Տստակ են «Թ» (թվին) և «Խ» (40) տառերը, իսկ «Ռ» (1000) վերականգնել ենք՝ $(1040 + 551 = 1591)$ հաշվի առնելով նաև այն, որ Ս. Բարխուդարյանը Մելիքսեթ քարգործի գործունեությունն ըստ վիճագրերում պահպանված տվյալների սահմանում է 1541 - 1595 թվականները¹³:

Նյուսխային դռան աջ կողմում, արտաքուստ, ագուցված է մեկ այլ խաչքար (1,34 մ X 0,70 մ), որի խաչի խորանի չորս անկյուններում միայն թվականն է.



ԹՎԻՆ]:ՌԽԵ: (1596)

(նկ. 5)

Խաչքարի քանդակագործական հարդարանքը թույլ է տալիս այս խաչքարը ևս վերագրել Մելիքսեթ քարգործին, մանավանդ, որ նախորդ խաչքարի հետ զարդամոտիվային լուծումների բազում ընդհանրություններ ունի:

Էջմիածնի Ս. Աստվածածին եկեղեցու որմնքում ագուցված խաչքարեր կան ոչ միայն արտաքուստ, այլև ներքուստ: Դրանցից մեկը զննվել է մկրտության ավագանի պատրի մեջ, որն ունի Նայոց ՌՆԼԳ (1984) թվականը, իսկ մյուսը՝ Սուրբ Սեդանի առջևի մասում, որոնց կազմողն է Էդ. Նակոբջանյանը:

Մի մարմարյա փոքր խաչքար ևս (0,26 մ X 0,17 մ) ագուցված է մկրտության ավագանի ձախ կողմում: Նիմնախաչի հորիզոնական թևերի վերին մասում կան արեւի և լուսնի

¹² Տե՛ս Ս. Բարխուդարյան, նշվ. աշխ., էջ 155:

¹³ Տե՛ս անդ, էջ 380:

քանդակներ: Նայարնի է, որ լուսային նշանները խաչքարային հորինվածքում լայն տարածում են ունեցել դեռ ԺԳ դարից: Դրանք սովորաբար տեղադրվել են խաչի խորանի վերնամասում կամ քիվի վրա: Արևը, որ տեղադրվում էր խաչի աջ, իսկ լուսինը՝ ձախ կողմում, կապվում էին Խաչելության ու Երկրորդ գալուստի հետ¹⁴:

Խաչի ստորին մասում փորագրված է արձանագրություն, 3 տողից.

ՅԵԷ ԻԱԶՍԻՆ ՀԱՆԿԻԶ
ՊԱՐԻՆ ՊԱՊՈՒՆԱԿԻՆԱ
ԹԻՆԱՆԱԿԻՆ

ՅԵԷԻՆԱՍԿԱՆ
ՍԲ ՆՇԱՆ ԷԼԻԶ/ՊԱՐԻՆ
ՊԱՊՈՒՆԱԿԻՆ ԹԻՆԱ/ԹԻՆ
ԱՆԱԿԻՆ

(նկ. 8)

Արձանագրությունը լավ է պահպանվել, այն թվագրված չէ, սակայն, հարազատ է ԺԷ - ԺԸ դարերին: Վիմագրում հիշատակված են անուններ՝ Էլիզաբար, Պապունա, Թինաթ, Անա, որոնց հիշատակին էլ ձևավորվել է խաչքարը: Անձնանուններից դարձվել է վիմագրում հիշվածները պարզ է լինեն վրացահայեր: Նր. Աճառյանը վերոնշյալ անձնանունների գործածությանը հանդիպում է ԺԶ - ԺԷ դարերի ձեռագրերում: Օրինակ, «Անա» իգական անձնանվան վերաբերյալ նշում է, որ այն հանդես է գալիս թուրքերեն *xatun*, չաղաթ, *bike* «պիկին» բառի հարադրությամբ¹⁵: Պապունա անվան նմանությամբ հիշատակում է Պապանուն արական անձնանունը, որ կազմված է պապ + անուն բառերից, իբրև թե երեխան կոչվել է պապի անունով¹⁶, իսկ «Թինաթ» իգական անձնանունը կապվելով վրացերեն Թինաթին անվան հետ, տալիս է բառիս բացատրությունը՝ «լուսնի ցուլացում», որ համազոր է մեր Շողակաթ անվան¹⁷:

Ս. Աստվածածին եկեղեցու աջ ավանդաբան հատակին դրված է (0,70 մ X 0,35 մ) մի շինաքար, վրան արձանագրություն, 5 տողից: Արձանագրությունը տեղ-տեղ եղծված է եւ ղեկավարությամբ է ընթերցվում.

ՄՈՒՐԱՆ ՏՈՑԻՇԵՐ/ՆԵՑԱԲ
ՏՈՒՆՍ ԱՅՍ ՊԱ Տ/ ԱՆԻ
ՍԱՐԳՍԻ ԲԱՂԴԱՍԱՐ/ ՆՏ ՍԵԼԻԲ
ՍԼԱՎԳՍԵԼԱԽՅՍԵ ԿՐԹԱՎԱՆՈՅ
ԱՄԻ 1819 ԱՊՐԷԼԻ

ՄՈՒՐԱՆ ՏՈՑԻՇԵՐ/ՆԵՑԱԲ
ՏՈՒՆՍ ԱՅՍ ՊԱ Տ/ ԱՆԻ
ՍԱՐԳՍԻ ԲԱՂԴԱՍԱՐ/ ՆՏ ՍԵԼԻԲ
ՍԼԱՎԳՍԵԼԱԽՅՍԵ ԿՐԹԱՎԱՆՈՅ
ԱՄԻ 1819 ԱՊՐԷԼԻ

(նկ. 9)

Ամենայն հավանականությամբ արձանագրությունը Մուրաբի կողմից ինչ-որ վարժարանի (կրթանոցի) կառուցման վկայագիր է, ուր հիշատակված են նաև ոմն Սարգիս Բաղդասարյան եւ Մելիք Սարգսյանց: Ինչպես վերը նշեցինք, ըստ Ալիշանի մեկ դար հետո, փայրաշեն եկեղեցին փոխարինվում է քարակերտ կառույցով, նաև «հասարակացաւ եւ

14 Տեն, Ն. Լ. Պեպրոսյան, նշվ. աշխ., էջ 271:


15 Տեն Ն. Աճառյան, նշվ. աշխ., էջ 145:

16 Տեն Ն. Աճառյան, Նայոց անձնանունների բառարան, հայր. Դ, Եր., 1948, էջ 224:

17 Տեն Ն. Աճառյան, Նայոց անձնանունների բառարան, հայր. Բ, Եր., 1944, էջ 310:

վարժարան առ նմին՝ արդեամբք Յովհաննու Շամբոռեանց»¹⁸: Նայրնի է, որ փայտաշեն եկեղեցին կառուցվել էր 1767 թ. և մեկ դար հետո, այսինքն՝ մոտ 1860 - ական թվականներին կառուցվել է բարակերպ շինությունը: Վարժարանը, որն ըստ արձանագրության կառուցվել է 1819 թ., գտնվելով անմիջապես վիճակում հավանաբար վերաշինվել է 1860 - ական թվականների շինարարական աշխատանքների ժամանակ: Այնպիսի տեղեկությունը («հասարակացաւ ևս վարժարան»), ըստ էության վերաբերում է հնի տեղում նորը կառուցելուն, որն իրագործվել է Նովհաննու Շամբոռեանցի բարերարությամբ: Տեղացիները ևս հավաստում են, որ եկեղեցու հարավային պատին զուգահեռ կառուցված է եղել մի շինություն, որը սկզբում եղել է վարժարան, իսկ վերջին շրջանում այդտեղ բնակվել են: 1980 - ականներին եկեղեցում ևս երա պարածքում տարվող նորոգման և բարեկարգման աշխատանքների ժամանակ էլ գտնվել է վերնշյալ բարը, որի արձանագրությունն ուղղակիորեն կապվում է վերը ասվածին: Այսինքն, վիճագրում հիշատակված «կրթանոցը» երբեմնի վարժարանն է, որի վկայագիրն է հիշյալ արձանագրությունը: Արձանագրության չորրորդ տողում «ՄԵԼԻՔ» - ից առաջ փորագրված «Ն» տառը համարում ենք գրչի սխալ և հավանական համարում «Յ», որով ամբողջանում է Մարգարի ազգանունը, այն է՝ «ԲԱՂՂԱՍԱՐԵԱՆՅ», ինչպես, օրինակ «ՄԵԼԻՔ ՍԱՐԳՍԵԱՆՅ»:

Ս. Ասրվաձաձին եկեղեցու բակի հյուսիսային կողմում դրված է կոտրված մի շինաքար, որի վիճագրում հիշատակված է ոմն վաղարշապատցի Վարդան.



ՎԱՐՎԱՐՇԱՊԱՏՅԻ ՎԱՐԴԱՆ

(նկ. 10)

Կա ևս մի քար՝ գտնված մաքրման աշխատանքների ժամանակ, ուր քանդակված է խաչ, որի ուղղահայաց թևերի ստորին աջ և ձախ կողմերում փորագրված է.

1 2 (նկ. 11)

Եկեղեցու բակի արևելյան կողմում կան զույգ տապանաքարեր, որոնց արձանագրություններում հիշատակված են Նարություն և Թեկլու Մարգարյան ամուսինները: Վիճագիր բանաստեղծության ձևով են փորագրված տապանագրերը, որոնք հարկ են համարում մեջբերել.

Կեանքը վաղանցուկ, աշխարհն ունայն,	Սիրտը զգայուն, վիշտը բիրատու,
բարիքը միայն մնայ յաիպեան:	Բարին մնայուն, կյանքը անցատու:
Թեկլու Մարգարեան	Յարութին Մարգարեան
1854 - 1912	1840 -

Վերջինիս մահվան թվականը փորագրված չէ:

¹⁸ Ղ. Ալիշան, Այրարատ, 1890, էջ 209: Տե՛ս նաև Ն. Տեր-Միքայելեան, նշվ. աշխ., էջ 4:



Նկ. 1. Ս. Աստվածածին եկեղեցու շինարարականապատկերներ



Նկ. 2 Խաչքար՝ ազդեցված եկեղեցու արևմտյան պատի ծախ կողմում



Նկ. 3 Խաչքար՝ ազդեցված եկեղեցու արևմտյան պատի աջ կողմում



Նկ. 4 Խաչքար՝ ազդեցված եկեղեցու հյուսիսային մուտքի ծախ կողմում



Նկ. 5 Խաչքար՝ ազդեցված եկեղեցու հյուսիսային մուտքի աջ կողմում



Նկ. 6, 7 Ս. Աստվածածին եկեղեցու խորանի պատին ազդեցված խաչքարեր





Նկ. 8 Մարմարյա խաչքար, սպիտակած
մեջքերային տվածքով: Զույգ կոնժում



Նկ. 9 Արմավիրի շրջանի քարե
մեղեդար, այս անվանումով



Նկ. 10 Արմավիրի շրջանի քարե
մեղեդար, այս անվանումով



Նկ. 11 Խաչքարային քարե մեղեդար
քանդակ



Նկ. 12 Ս. Աստվածածին մեղեդար
շրջանային քարե և արմավյան մեղեդար

Տեղագիտների մոտ (Նովիաննես եպիս. Շահխաթունյանց, Աբել արք. Մխիթարյանց, Ղևոնդ Ալիշան եւ այլք), ինչպես նաեւ պարմագիտական գրականության էջերում, ի պարբերություն Վաղարշապատի մյուս վանքերի (Մայր Աթոռ Ս. Էջմիածին, Ս. Նոյսիսիմե, Ս. Գայանե, Ս. Շողակաթ), Ս. Աստվածածին եկեղեցու վերաբերյալ տեղեկությունները խիստ կցկտուր են: Դա է պարզապես, որ այսօր մեզ անհայտ են եկեղեցում պաշտոնավարած քահանաների անունները: Նայարնի են միայն Ի դարի երկրորդ կեսից գործած ստորեւ հիշարակվող քահանաները.

Տեր Քերովբե Ավագ Քահանա Շահբաղյան (1949 - 1969)

Տեր Նովսեփ Քահանա Նակոբյան (1978 - 1995)

Տեր Գեղամ Քահանա Քեսաբյան (1995 - 2001)

Տեր Եղիշե Ավագ Քահանա Բաղրամյան (2001 - 2003)

Տեր Մկրտիչ Քահանա Մուշաղյան (2003 - առ այսօր)

Զնայած պարմական սուղ տեղեկություններին, հայրնի է, որ Էջմիածնի Ս. Աստվածածին եկեղեցում է Կոմիտասն իր վարդապետական աստիճանն ու գավազանն ստացել: Մկրտիչ Ա Խրիմյան Նայրիկի կոնդակի համաձայն, կաթողիկոսական տեղապահ Մեսրոպ արքեպիսկոպոսը 1895 թվականի փետրվարի 26-ին, Էջմիածնի Ս. Աստվածածին եկեղեցում, առավոտյան ժամերգությունից հետո, վարդապետության աստիճանն ու գավազան է շնորհում Կարապետ, Բենիկ, Կոմիտաս, Եզնիկ եւ Թադևոս արեղաններին¹⁹:

Սույն համառոտ աշխատանքը մի փորձ է՝ ուսումնասիրության ենթարկելու ուշ միջնադարում կառուցված եռանալ բազիլիկներից մեկի՝ Էջմիածին քաղաքի Ս. Աստվածածին եկեղեցու պարմությունն ու նրա վիմական արձանագրությունները: Վերջիններիս միջոցով լուսարանվում են Վաղարշապատի՝ ուշ միջնադարում կապարվող մի շարք իրադարձություններ, ինչպես նաեւ դրանք որոշակի հող են նախապարաստում՝ գաղափար կազմելու այս տարածաշրջանի խաչքարային արվեստի ու քարգործ վարպետների աշխատանքների վերաբերյալ:

19 Տե՛ս «Գրական նշխարք Կոմիտաս վարդապետի բեղուն գրչեն», աշխատասիրություն Աբել վրդ. Օղյուզեանի, Մոնթրեալ, 1994, էջ 43: